



# **Lipoti mo le Fono Aoao Faitulafono**

**Tulafono Tau Faaofi o Faasalaga 2015.**

**Komiti o Tupe Maua ma  
Tupe Totogi.**

## 1. FAUTUAGA

Ua fautuaina e le Komiti o Tupe Maua & Tupe Totogi le Fono Aoao ina ia faautagia lana Lipoti.

## 2. IUGAFONO.

I le maea o ana Iloiloga, na faaiugafonoina ai e le Komiti e fautuaina le Fono Aoao:

“Ina ia faagasolo le Tulafono Tau Faaofi o Faasalaga 2015 faatasi ai ma Teuteuga”.

## 3. TULAFONO TUMAU 170:-

E tusa ai ma aiaiga o le Tulafono Tumau 170, o le a avea ma tiute o le Komiti o Tupe Maua ma Tupe Totogi :-

- Le Iloiloina o so o se tulafono tau faaofi, talosaga po o nisi mataupu ua tuuina atu i ai e le Fono Aoao e tusa ai o Tulafono Tumau ma Tala Faatatau o Tupe po o le toe iloiloga o le faatinoga o galuega a Matagaluega;
- Le faasoa atu i so o se Komiti Filifilia na te faatinoina suesuega o so o se Tala Faatatau o Tupe ma so o se iloiloga o le faatinoga o galuega a Matagaluega, ma ia manaomia lea Komiti Filifilia ina ia toe lipoti atu i le Komiti a o le i tuuina atu lana Lipoti i le Fono Aoao;
- Le suesueina o faiga faavae, faafoega ma tupe alu a Matagaluega ma Faalapotopotoga a le Malo e faasino i tupe a le Malo.

#### 4. TAUALUMAGA.

O le aso 13 Aokuso 2015, na tuuina mai ai le poloaiga a le Fono Aoao i le Komiti o Tupe Maua ma Tupe Tototgi<sup>1</sup>, na te iloiloina ai le Tulafono Tau Faaofi o Faasalaga 2015, ma toe lipoti atu ai i le Fono Aoao Faitulafono (“Fono Aoao”) e tusa ai ma aiaiga o Tulafono Tumau<sup>2</sup>.

Sa fofogaina faasalalauaga faalauaitele i luga o le Televisi i le aso 14 & aso 15 Setema 2015 mo le mamalu o le atunuu e fia faaalua finagalo i lenei Tulafono Tau Faaofi.

#### 5. AOTELEGA O ILOILOGA.

I taualumaga o iloiloiga a le Komiti na maitauina ai, o le sini autu o le Tulafono Tau Faaofi o Faasalaga 2015 e tusa ai ma Molimau, o le faavaeina lea o se Tulafono e faatulaga ai taiala faavae ma taiala faatonutonu e ao ona faaogaina e le Faamasinoga e tuuina atu ai faasalaga talafeagai mo tagata ua molia ma faamaonia soligatulafono.

O faamoemoega autu o le Tulafono Tau Faaofi o Faasalaga 2015 ua faataoto mai i vaega nei :-

- (a) o le aiaia lea o auala e mafai ai ona faasalaina po o le tagofiaina i se faiga e ese ai e le Faamasinoga mataupu a tagata ua molia;
- (b) o le fesoasoani lea i le faamalamalamaina i tagata o le atunuu o faiga o lo o faia ai faasalaga, e ala i le tuuina atu o taiala faavae ma Tulafono o lo o faaogaina e faamsinoga i le faia o faasalaga po o le tagofiaina i isi faiga e ese ai faasalaga o i latou ua molia;
- (c) ua aiaia ai se tulaga lautele atoatoa o faasalaga ma isi auala e faafae ai mataupu a tagata ua molia; ma
- (d) ia aiaia ai mo aia a tagata ua aafia i solitulafono

<sup>1</sup> Tulafono Tumau 170(1) – Hon PAPALIITELE Niko Lee Hang MP, TAFUA Maluelue Tafua MP, Hon PALUSALUE Faapo II MP, LEALAILEPULE Rimoni Aiafi MP, TAEFU Lemi Taefu MP, TIALAVEA F T Seigafolava MP, AFUALO Wood Dr Uti Salele MP & Hon FAUMUINA T F Liuga MP.

<sup>2</sup> Tulafono Tumau 170(2)(ix) – iloiloina o se Tulafono Tau Faaofi e tuuina atu e le Fono Aoao.

O le Tulafono Tau Faaofi o lo o vaevaeina i ni vaega e fa(4) e aofia ai :-

- (i) *Faatomuaga; e aofia ai le faamatalaina o uiga o upu ma le sootaga ma isi Tulafono.*
- (ii) *Faamoemoega ma Taiala Faavae o Faasalaga ma Aiaiga Lautele.*
- (iii) *Faasalaga, Poloaiga ma Mataupu e fesootai i ai; e aofia ai Faasalaga Tau Tupe ma Vaevaeaga o Faasalaga.*
- (iv) *Aiaiga Lautele; e aofia ai Teuteuga tau soloaiga ma teuteuga faatupulaia.*

## **6. ILOILOGA AUILIILI O LE TULAFONO TAU FAAOFI.**

I le iloiloaina auiliili o lenei Tulafono Tau Faaofi i ona aiaiga taitasi, ua faamalieina le Komiti i vaega taitasi ma o lo o talafeagai aiaiga ua faatulai mai seia vagana ai teuteuga ua fautuaina i vaega ua taua i lalo;

**Teuteuga:-**

### **6.1. Fuaiupu 33.**

Ia faaofi le faafuaiupu fou (3), ina ua tuanai le faafuaiupu (2) e faapea;

**“(3) I lenei Vaega, “o le tagata ofisa” o lona uiga o le tagata (tusa lava po o se leoleo falepuipui pe leai foi ) ua tofia e le Komesina e tusa ai ma le Tulafono o Falepuipui ma le Toefuataiga 2013”.**

### **6.2. Fuaiupu 34(2).**

Ia soloia faaupuga “12 masina” o lo o aliae mai i le faafuaiupu (2) ma suia i le faaupuga “lua(2) tausaga” ma faitauina ai le faafuaiupu (2) fou e faapea:-

**“(2) O le vaitaimi o le faasalaga e mafai ona mo se vaitaimi, e le sili atu i le 2 tausaga, lea e manatu le faamasinoga ua talafeagai ai”.**

### 6.3. Fuaiupu 37.

la soloia faaupuga “tagata ofisa e vaavaaia” e pei ona aliae mai i le fuaiupu 37 ma suia i le faaupuga “tagata ofisa”.

### 6.4. Fuaiupu 39.

la soloia le faaupuga “tagata ofisa e vaavaaia” e pei ona aliae mai i le fuaiupu 39 ma suia i le faaupuga “tagata ofisa”.

### 6.5. Fuaiupu 40.

la soloia faaupuga “tagata ofisa e vaavaaia” e pei ona aliae mai i le fuaiupu 40 ma suia i le faaupuga “tagata ofisa”.

### 6.6. Fuaiupu 41.

la soloia faaupuga “tagata ofisa e vaavaaia” e pei ona aliae mai i le fuaiupu 41 ma suia i le faaupuga “tagata ofisa”.

### 6.7. Fuaiupu 91.

“Tulafono o le Faafuaga o luga a Faamasinoga i Nuu ma Afioaga 2008”.

#### (i) Fuaiupu 13.

la soloia faaupuga “tasi (1) tausaga” ma suia i le “lua (2) tasuaga”.

#### (ii) Fuaiupu 17(1)(a).

la soloia faaupuga “72 itula” ma suia i le “48 itula”.

#### (iii) Fuaiupu 17(1)(d).

la soloia faaupuga “72 itula” ma suia i le “48 itula”.

O nei Teuteuga ua fautuaina ina ia ogatasi ai ma Faiga Faavae e tusa ai ma aiaia o le Tulafono o le Faafuaga o luga a Faamasinoga i Nuu ma Afioaga 2008.

## 7. IUGAFONO:

I le maea o ana lloiloga, na faaiugafonoina ai e le Komiti e fautuaina le Fono Aoa:

Ina ia faamaonia le Tulafono Tau Faaofi o Faasalaga 2015, faatasi ai ma Teuteuga.

-----

Pepa Faapipii - 1.

Hon PAPALIITELE Niko Lee Hang.  
Taitaifono

TAFUA Maluelue Tafua  
Sui Taitaifono.

Hon PALUSALUE Faapo II  
Sui Usufono

Hon FAUMUINA T Faaolatane Liuga  
Sui Usufono

LEALAILEPULE Rimoni Aiafi  
Sui Usufono

AFUALO Wood Dr Uti Salele  
Sui Usufono

TIALAVEA F T Seigafolava  
Sui Usufono

TAEFU Lemi Taefu  
Sui Usufono .

## Fesoasoani.

1. Matagaluega o Faamasinoga.

- |                              |   |  |
|------------------------------|---|--|
| Masinalupe Tusipa Masinalupe | - | Ofisa Sili o Pulega  |
| Lio Heinrich Siemsen         | - | Ofisa Sili Lagolago o Pulega<br><i>(Vaega o Faamasinoga)</i>         |
| Faagutu Vaalotu              | - | Ofisa Sili Lagolago o Pulega<br><i>(Vaega o Faasaoga ma Tausiga)</i> |

2. Ofisa o le Loia Sili.

- |                           |   |   |
|---------------------------|---|---|
| Aumua T Ming C. Leung Wai | - | Loia Sili.                                      |
| Precious Chang            | - | Loia Sili Lagolago;                             |
| Rubeni Nawaqakuta         | - | Loia Faufautua;<br><i>(Vaega Tusi Tulafono)</i> |
| Meiapo Faasau             | - | Loia Autu;<br><i>(Vaega Tusi Tulafono)</i>      |
| Kylie Wilson              | - | Loia Tusi Tulafono;                             |

-----